

pilè angustior, sub-truncatus, lateribus ultra medium sensim angustatus, ibique profunde constrictus, dein basin versus oblique ampliatus, supra convexus, nigro-æneus, parum nitidus, lævis. Scutellum magnum, triangulare, convexum, nigro-æneum, sub-opacum, læve. Hemelytra abdomine longiora, dilute fusca, basi utrinque macula triangulari fasciaque media transversa, albis; membrana dilute fusca, apice late sordide albida. Abdomen nigro-æneum, parce pubescens, segmentis anterioribus apice tenuiter albido-marginatis; basi valde constrictum, apicem versus clavatum. Pedes longi, graciles, fusco-testacei, femoribus sæpe obscurioribus; tibiis intus breviter, parce spinulosis; metatarsis albidis vel dilute flavescentibus.

27. *CYLLECORIS flavo-notatus*: angustatus, niger, sub-nitidus, dense griseo-pilosus; antennis basi apiceque lutescentibus; capite parvo, minus convexo, postice albido-marginato; prothorace confertim punctulato, antico late constricto, utrinque elevato, angulis posticis lateraliter productis, sub-reflexis; hemelytris fuscis, margine externo, macula magna triangulari corii, basi apiceque cunei flavis; membrana fusca, infra cuneum macula alba notata; pedibus dilute flavescentibus, femoribus extrorsum luteis. ♂♀. Long. 6, lat.  $2\frac{1}{4}$  millim.

In fruticibus individua duo legi, nempe marem ad Anneberg Smolandiaë et feminam in Kinnekulle Westrogothiaë.

*Cyllec. flavo-maculati*, simillimus vix angustior sed nonnihil brevior, capite minore, paullo convexo, postice albido-marginato, oculis minoribus, magis convexis, prothorace postice latiore, distincte punctulato ut et dense griseo-piloso, ab illo bene distinctus. Caput subtriangulare, latitudine vix brevius, supra modice convexum, nigrum, nitidum, læve, glabrum, postice anguste albido-marginatum; rostro inflexo, flavido, apice fusco; oculis rotundatis, valde convexis, brunneis. Antennæ longitudine hemelytrorum, breviter pubescentes, articulo primo capite transverso dimidio longiore, crassiore, luteo, basi nonnihil tenuiore, secundo præcedente fere triplo longiore, extrorsum haud incrassato, fusco, tertio et quarto brevioribus, pallidis, simul sumtis secundo brevioribus, antepenultimo ultimo plus duplo longiore. Prothorax latitudine postica nonnihil brevior, antice truncatus, capite parum angustior, fere ad medium haud ampliatus, sub-cylindricus, utrinque sub-elevatus, dein basin versus subito oblique ampliatus, postice medio late rotundato-emarginatus, angulis lateraliter nonnihil productis, apice paullo reflexis, obtusis; niger, dense griseo-pilosus, antice opacus, sub-lævis, posterius nitidus, subtiliter, crebre punctulatus. Scutellum triangulare, convexum, nigrum, sub-nitidum, subtilissime punctulatum, pilosum, pone basin transversim impressum. Hemelytra fusca, sub-nitida, obsolete punctulata, margine exteriori tenuiter, macula magna basali corii oblongo-triangulari postice subtruncata cuneoque, macula obliqua antespicali fusca excepta, dilute flavis; membrana fusca, iridescente, infra cuneum macula parva, albida notata. Corpus nigro-fuscum, nitidum, fere glabrum. Pedes dilute flavescentes, femoribus extrorsum luteis, supra interdum medio leviter infuscatiss, tarsis saturatoribus.